

# 44<sup>a</sup> Premiu Logudoro Otieri Duamizaevintichimbe

Tema ( Pro sa Sezione Meridda)  
**DISIZOS**

Su Sodalitziu Culturale Otieresu Pirastru Cubeddu Morittu organizat sa 44<sup>a</sup> ediscione de su Premiu Logudoro de Literadura Sarda.

S'organizazione si riservat su dirittu de imprentare e de fagher a connòschere sas òberas premiadas, in sas maneras designadas dae su Comitadu, chentza cumpensu a sos autores, chi nde restan padronos.

## Iscazzentzia 30 de Lampadas 2025

Sas òberas deven èssere imbiadas ai cust'indirizzu:

**Premiu Logudoro c/o Gavino Contu**  
**Via Antonio Pigliaru, n. 2**  
**07014 Ozieri (SS)**  
**- telefoneddu 333 782 8073**  
**posta elettronica: gavino.contu@alice.it**

Pro sa personalidade chi s'est distinta in campu culturale, tzivile,soziale e religiosu, dende unore a sa idda e a sa Sardigna hat a andare **Su Premiu Cultura e Impignu Sociale** e hat a esser seberada dae su **Lions Club – Ozieri** in accordu cun su Sodaliziu.

## REGULAMENTU

### Regulas pro totu sas setziones

Sas òberas deven èssere imbiadas in

- **in frommadu A4, in carattere Times New Roman, 12 de mannària ;**

- **in 8 (otto) copias, piùs una traduscione in Limba Italiana**

**Sas òberas imbiadas NON deven èssere istadas mai imprentadas e ne premiadas in àteru cuncursu e NON poden esser imbiadas, paris, a àteros cuncursos.**

Su 'inchidore, in sa matessi setzione, no hat a poder rezzire sa pramma **pro ater'e duos annos.**

Si podet cuncurrere a piùs de una setzione.

Pro dogni setzione benit assignadu su primu, su 'e duos e su 'e tres premios, e, simai, àteros riconnoschimentos a parere de sa Giuria

### Setzione Poesia «Musserradu Meridda»

#### Tema impostu: **DISIZOS**

Pro una poesia in sardu logudoresu o simizante, in rima, a tema impostu, in.d'una mètrica de su connottu.

Sos 40 (baranta) versos poden èssere superados non de meda, cando l'imponet s'ischema mètricu seberadu, pro chi potat esser batidu a cumprimentu.

Unu riconnoschimentu particolare hat a andare a s'**Ottava bella**: (*ottava reale, serrada, undighisillabu*), imbiada a s'una o a s'àtera setzione de poesia.

### Setzione Poesia «Sevadore Bertulu»

Libera in su tema e libera in s'ischema mètricu (in versos isoltos o in rima); sa poesia non devet giampare sos 40 (baranta) versos.

Sun ammissos totu sos faeddos de Sardigna.

### Setzione Contos noos «Gigi Sotgia»

Su contu devet esser nou, originale in su tema e finas de atualidade, chi non giampet sas duas cartellas in frommadu A4. Unu **premiu speciale** at a andare a un'òbera, chi si prestat a dare logu a unu cortometraggiu

Sun ammissos totu sos faeddos de Sardigna.

### Setzione Poesia Religiosa ( Biennale)

#### «Card. Mario Francesco Pompedda»

Sa poesia religiosa, podet giampare sos 60 versos cando si tratat ebbia de gosos o de laudes in sestina e in ottava ottosillabu.

Devet istare intro sos 44 versos cando sa poesia est sestada in calesisiat àtera mètrica de su connottu.

### Setzione Iscolas «Bobore Farina» (*mastru 'e iscola*)

Pro sos dischentes de s'iscola elementare sun ammissas poesias e Contos.

Pro sos dischentes de s'iscola media sun ammissos finas contos (chi non deven giampare una cartella A4.

Sun ammissos totu sos faeddos de Sardigna.

Sa premiascione dei custa setzione s'at a fàghere in àtera die a banda, pro sas iscolas ebbia

S'iscadentzia pro custa setzione est a sa fine de s'annu iscolasticu.

### Generalidades:

S'òbera devet esser sinnada dae una paràula o unu faeddu cultzu in suspu; sas generalidades cun nùmene, sambenadu, edade, indirizzu, n. de telefono e de posta elettronica deven èssere iscritas in unu pàbilu minore isserradu ind'una bustighedda sizillada e sinnada dae sa matessi paràula in suspu de s'òbera.

In sa busta manna e in sa bustighedda si b'iscriet sa setzione a sa cale si cheret leare parte.

**SA Giuria: Giuseppe Soddu** (Presidente),  
Francesco Cossu (Segretariu), Nino Arras,  
Carmela Arghittu, Franca Cherveddu, Gavino Contu, Tonino Langiu, Martino Meloni, Amelia Pericu.

